



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Acta Synodalia Dioecesana Ecclesiae Mediolanensis, Pars Secunda

Borromeo, Carlo

Brixiae, 1603

Ordo Ministrandi Sacramenti Poenitentiae.

urn:nbn:de:hbz:466:1-11399

Et fecerunt, redintegrent, intimè Deum precando: in qua precatione, firmo stabiliq; animi proposito statuant, se Christo Domino adhaerere, renunciareque iterum atq; iterum seculi pompis, operibus tenebrarum, & diabolo in primis; cui se aduersarios esse & professi sunt, & profitentur perpetuò.

Pœnitentiaæ genera.

ATque haec quidem pœnitentiaæ genera à sanctis viris accepta, ecclesiasticæque discipline interpretibus, pro peccatorum ratione adhiberi poterunt.

Vt pœnitens vestium sericarum vñsu, auri ornamento, conuiniorum apparatu, venatione aliquo certo tempore abstineat.

Vt egentibus hominibus cibum suppedinet, ac ministret: pedes item lauet.

Vt peregrinos pro facultatum ratione hospitio excipiat.

Vt in publica domo hospitali, loco vero pio aliquot dies operam nauet.

Vt visitet, qui in carcere sunt, eosdem consoletur, & cum per facultates potest, alat certo præstituto tempore.

Vt se per aliquot dies in monasterium aliquod, aliumve semotum locum abdat, vbi pœnitens viuat.

Vt aliquot diebus carne, aut vino item abstineat.

Vt certis diebus, præsertim feria quarta, sexta, & sabbato ieunet: vel etiam ve scatur solùm pane, & aquæ potu vratur.

Vt certo aliquo tempore non equitet.

Vt si facultates sufficiunt, certam pecuniaæ, aut frumenti, aut vini quantitatem in elemosynam pauperibus Christi cōferat.

Vt genibus flexis, aut etiam brachijs extensis in modum crucis, certo tempore, & hora præfinita, ante crucem, aliamve sacram imaginem in ecclesia oret.

Vt humi aliquandiu iaceat, cubet vne.

Vt flagella certis præscriptis diebus sibi adhibeat.

Vt cilicium aliquot dies induat.

Vt religiosam aliquam per egrinationem suscipiat, sancteque conficiat.

Vt statos psalmos pœnitentiales, alias

que pœnitentiales preces prie recitet ali quo dierum spatio.

Vt certas ecclesiæ, puta stationales, vel præcipiæ deuotionis visitet.

O R D O

Ministrandi Sacramentum Pœnitentiaæ.

Confessarius superpelliceo, & stola violacei coloris indutus, prius genuflexus orat, vt tanto possit ministerio satisfacere; tum has quoq; preces adhibet pro opportunitate.

V. Cor mundum crea in me Deus.

R. Et spiritum rectum innoua in visceribus meis.

V. Ne projicias me à facie tua:

R. Et spiritum sanctum tuum ne aferas à me.

V. Redde mihi lætitiam salutaris tui.

R. Et spiritum principali confirmame.

V. Docebo iniquos vias tuas:

R. Et impij ad te conuertentur.

V. Libera me de sanguinibus Deus, Deus salutis meæ:

R. Et exaltabit lingua mea iustitiam tuam.

Oratio.

Domine Deus omnipotens, proprius esto mihi peccatori, vt dignè possim tibi gratias agere; qui me indignum propter magnam tuam misericordiam ministrum fecisti offici fæderalis; & me exiguum, humilemque medium constituesti ad orandum, & intercedendum ad Dominum nostrum Iesum Christum filium tuum, pro peccatoribus, & ad pœnitentiam reuertentibus. Ideoque dominator domine, qui omnes homines vis saluos fieri, & ad agnitionem veritatis venire; qui non vis mortem peccatorum, sed vt conuertantur, & viuant; suscipe orationem meam, quam fundo pro famulis, & famulabus tuis; qui ad pœnitentiam venerantur, vt des illis spiritum compunctionis, quo resplicant à Diaboli laqueis, quibus adstricti tenentur; vt ad te perdignam satisfactionem reuertantur. Per eundem Dominum nostrum, & cetera.

Tum

Tum sedet, ut præscriptum est. Pœnitens autem humiliabitur, positis hūmi genibus, iunctis in modum supplicis manibus, se ad confessionem parat.

Confessarius perquirit de illius statu, & interrogat, quæ supra sunt præscripta.

Cum ad confessionem veniendū est, pœnitens primum munit se signo crucis dicens:

In nomine Patris, & Filii, & Spiritus sancti. Amen.

Deinde benedictionem ab eo petit his verbis. Benedicte pater. Tum Confessarius inquit:

Dominus sit in corde tuo, & in labijs tuis, ut dignè, & competenter confitearis omnia peccata tua.

Deinde pœnitens dicit orationē dominicam, salutationem angelicam, symbolum Apostolorum, & decalogum, cum ex supra explicatis debet.

Tum recitat cōfessionem generalem, & que ad ea verba: Ideo precor: percūtiq; pectus ad ea verba mea culpa, &c.

Confiteor Deo omnipotenti; B. Mariæ semper virginī; B. Michaeli Archangelo; B. Ioanni Baptiste; sanctis Apostolis Petro, & Paulo; B. Ambrofio confessori; omnibus sanctis; & tibi pater: quia peccavi nimis cogitatione, verbo, & opere; mea culpa, mea culpa, mea maxima culpa. quam si memoriter nescit, adiuuante, suggerenteq; Confessore id præster; & si opus est, etia vulgari sermone.

Peccata sua exinde confitetur, adiuuante quotiescumq; opus est, sacerdote: qui demum interrogat, an alia recordetur, & eius conscientiam perfectius examinat, prout conditio personæ postulat: & ad dolorem & contritionem efficacibus verbis inducere conatur.

Postrem pœnitens accusat se de obli- tis, & dicit reliquum confessionis gene- ralis.

Ideo precor beatam Mariam semper virginem; beatum Michaelem Archangelum; beatum Ioannem Baptistam; sanctos Apostolos Petrum & Paulum; beatum Ambrosium confessorem; omnes sanctos; & te pater, orare pro me ad Domum nostrum. deinde pœni-

tentiam, absolutionemque humiliter petet.

Pœnitentiam confessarius imponit: re media peccatorum tradit. mox si tunc absoluendus est; dicit primò distinctis verbis, ut à penitente audiatur, capite aperto, & manibus iunctis:

Misereatur tui omnipotens Deus, & dimissis omnibus peccatis tuis, perducat te ad vitam æternam. pœnitens respondet: Amen.

Deinde signum crucis dextra formā versus pœnitentem dicit:

Indulgentiam, absolutionem, X & remissionem omnium peccatorum tuorum tribuat tibi omnipotens, & misericors Dominus. pœnitens responderet: Amen.

Deinde caput operit: manu dextra super caput pœnitentis eleuata & extensa absoluat hac formula; & dum dicit: In nomine patris, &c. crucis signū dextera format versus pœnitentem.

Dominus noster Iesu Christus te absoluat; & ego auctoritate ipsius qua fungor, absolu te ab omni vinculo excommunicationis, suspensionis, & interdicti, si quod incurristi, quantum ego possum, & tu indiges.

Deinde ego te absolu a peccatis tuis, in nomine Patris, X & Filii, & Spiritus sancti.

Tum sacerdos capite aperto, & manibus iunctis dicit:

Passio Domini nostri Iesu Christi, merita beatae Mariæ Virginis, & omnium sanctorum; quidquid boni feceris, & mali sustinueris; sint tibi in remissionē peccatorum, augmentum gratiae, & premium vite æternæ. pœnitens responderet: Amen.

Et confessarius dicit, Vade in pace, & noli amplius peccare.

Neque omittit vitæ præcepta tradere, & omnino saluti pœnitentis consulere, ut supra explicatum est.

De absolutione ab excommunicatione.

Si certum sit aliquem incuruisse excommunicationem; & absolutionem debita pietate postulet: si Confessarius absoluendi facultatem habeat, eum

Q. 3 for-